



Inatsisartuni ilaasortaq
Harald Bianco
Maani

Aqutsisoqarfimmi Tasiilami 2011-mi nannuttassat.

Aalisarnermut, Piniarnermut Nunalerinermullu Naalakkersuisoqarfiup (APNN), 23. november 2010 Harald Bianco-mit (Inuit Ataqtigiit) aqutsisoqarfik Tasiilami nannunik pisassiinissaq pillugu allakkamik tigusaqarpoq. Allagaq § 37 imm. 1-tut tiguneqarpoq uangalu Naalakkersuisoqarfimmi akisassanngortinneqarluni.

3. januar 2011
Sagsnr. 2010-043300
Dok. Nr. 535174

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Apequtigineqarput:

- 1. Nannunik 2011-mut Tasiilap eqqaani pisassiissutigineqartunit amerlanerusunik pisassiisoqarsinnaanerani Naalakkersuisut aqutissiuusseqataarusuppat?**
- 2. Ilisimatuussutsikkut Tunumi nannunik 2011-mi kisitsisoqarnissaanik Naalakkersuisut periarfisseerusuppat?**

Apeqqummut 1-mut:

Aqutsisoqarfimmi Tasiilami 2009-mi 2010-milu pisassiissutigineqartut 20-nut aalajangiunneqarput, pisassiissutillu taakkua 2011-mut 2012-mullu ingerlateqqinneqarnissaat inassutigineqarsimavoq biologinit nutaanik paasissutissaqartoqanngimmat ukiunut pisassiiffinnut 2011-mut 2012-mullu allannguuteqartitsinnaasunik. Naalakkersuisulli Kommuneqarfik Sermersuumit saaffiginnissutaasarsimasut innersuussutigalugit tunumi pisassiissutissat 2011-mi 10-nik ilianiarpaat. Tamanna isumaqarpoq aqutsisoqarfiit Tasiilaq Ittoqqortoormiillu tamarmik 2009-mut 2010-mullu sanilliullugu immikkut 5-nik amerlanerusunik pisassaqaalissasut. Ukiumi piniarfiusumi sippuilluni pisaasinnaasut ukiup tulliani pisassiissutaasunit ilanngaataassapput. Ukioq piniarfiusoq naariarpat pisaasunik kisitseqqissaartoqassaaq 2011-milu pisassiissutit nalunaarutigineqarumaarlutik.

Suli nalugallarparput kisitsineq amerlanerusunik ikinnerusunilluunniit pisassiissutininik kinguneqarumaarnersoq. Pisassiissutit amerlassusissaat kisitsinissap aggersup inernera ilaatigut aalajangerumaarpaa.

Tunumi nannut Kalaallit Nunaannit taamaallaat iluaqutigineqarput (tunumi Nunattalu kujataani Paamiunit kujasinnerusumi). Tunumi nanoqassutsimi ilisimasat amigarnerat pillugu Pinngortitaleriffik piujuaannartitsinermik aallaaveqartumik piniarnissamut tikkuussisinnaanngilaq. Tamatumalu nalorninarqarnerata aallaavigalugu Pinngortitaleriffik isumaqarpoq, tunumi nannunik pisassiinermi qajassuartumik pisoqartariaqartoq.

Apeqqummut 2-mut:

Tunup nunataa isorartorsuuvoq, tamannalu pillugu misissuineq aningaasarpassuarnik naleqartussaavoq, pissutsillu arlallit aallaavigalugit misissuinissanik pilersaarutit 2013-mut kinguartinneqarsimapput. Misissuinissanulli piareersaatit 2012-mi aallartisarneqariissapput. Kinguartsinerimut peqqutaasut ilagaat tunumi misissuinerit ukiumi kitaani misissuiffiusumi ingerlanneqarsinnaanngimmata, qulaani taaneqartut aallaavigalugit. Apeqquteqaatit Pinngortitaleriffimmut ingerlateqqinnikuuara, akissutaatalulu pingaarnersiurlugu nutserneqarnera uunga ilanngussatut ilanngunneqarpoq.

Tunumi nannut pillugit ilisimasat amigaaqarput. Tamannalu pillugu Nunap Isuata Tasiilallu akornani nannut 2011-mi suli misissoqqinneqassasut siunniunneqarsimavoq, paasissutissat Pinngortitaleriffimmiit aallaavigalugit.

Inussiarnersumik inuulluaqqusillunga

Ane Hansen